

陳恭介公文集

陳恭介公文集卷之九

明餘姚心穀陳有年著

吉水南舉鄒元標校

萬載崑崗張壁同校

從子陳啓孫付梓

家子陳啓端編輯

祭文

祭年祖徐東城公文

穹昊之惜割兮奄胡壽於朝零宵修夜其晻澹兮使

青陽為之不明慨素風之不可作兮煙塗懷而稽顙
余昔賦此上林兮叩漢庭而致只有美公孫兮獨雄
視此多士詫驥足之一舉兮曠千里若塊歷跂汗血
之奇種兮爰產自乎西極訊芳塵於吳會兮謂前徽
其方未泯服龐醇以為潔兮稱光封之逸民美既滋
蘭於丘樊兮又植槐於庭下垂玄珠之仍仍兮光陸
離兮瑤之圃豈不蓬戶而棲遲兮顧德門曰何以貽
寔既有子而又奪之兮迺崇齏于孫枝肆恢恢其名
世兮亦潛德之所鍾也洵載葉其滋大兮又何必

此躬也視天道若左契兮展樹穀而食之與方誦翁
以顯融兮謝大塊而息之閱六紀以含光兮日歛薄
乎蒙汜夫國信壽以從化兮委營魄其何嘆所咨咨
而惜逝兮視岡陵其猶有推捐幽珮于塵居兮戢華
祿於泉臺繫文孫之惓惓兮掩玉堂而涕淚望故宮
之襲氛兮悽愴又以星奔猥余儕之洎文孫兮曩曰
維茅之彙言邈儀刑兮欽休轍而長喟嗟既往莫之
援兮又茫茫而天涯倣生芻以抒懷兮寒獨託此哀
詞臨東風余寄愴兮忽若恍恍而來思

祭中丞周觀所公文

代伯兄作

嗚呼公之生也稽山降神博重齋碩為時偉人公之
沒也神迺稽山戢景載德宵不可板公之生也功在
朝野歌舞孔多旂常非吟公之沒也則胥以哀有澤
斯屯有毗斯摧人亦有言簪冕是榮豈無素襮幾虛
此生公之生也寔惟矯矯乘時翱翔詎謀溫飽彼其
之子豈無期耄終然往矣萬事尾裂公之沒也壽止
五紀不朽者名不死者子凡諸名實繫公大致銖履
寸歷僉則覩記具曰記矣又焉文之言念交情式淚

以洩疇昔之年里門巷塾二氏耄童相視骨肉父交
子繼昆先季追執手晝遊秉燭夜歸風會雲蒸公則
先達為艷為萍世故轆轤有吏于属有聯于嗣公之
視之展也世誼春風揚揚公撫豫章弭節故里晝錦
有堂話舊無何送公江濟曾謂歛忽遂成今古歸窆
自西玄雲景夕紼謳載途喟此長畢幽有鬼神明有
交道已矣一觴空原蓬蒿

祭少司寇東橋楊公文

代伯兄作

嗚呼我公歸耶我公歸耶維公之生的皞乎星降旁

魄乎雲烝楨國都卿世載厥聲為邦老成矣既而菟
裘冥又休茲特恩歸雲晨星庶幾不泯為鄉典刑矣
壺又堂又佚老頤真倪視稀齡矣蒼穹錫羨振又在
庭矣公今歸矣星邁雲藏虛顯品又矣邦推遺老鄉
茂程矣崇卹秩祀則維國經矣有榮有哀視此泉扃
矣公今歸矣具曰寧矣上下以稱月旦以評赫驥以
金石以銘矣余末何知庸詎陳矣曷其泣矣生者
惜矣胡不盡錢慰我後生矣嗟我仲氏實室之甥
室則適閭公眷康更四紀于茲疊又仍又豈伊一

有莫承矣有時者容有旬者殷髣髴希微夢炙寢曉
豈伊求思而邈不可親矣但見回風落日襲丹旒
素樞矣柳車啓夕神途且抗旌矣百年之訣迫茲辰
矣我哀曷涯涘沫橫矣登堂一奠及公之未行矣望
公洋洋轉鬢鬢矣

祭封都御史穴湖邵公文

代伯元作

舜江南融於赫華宗世振厥聲肇公早上公車
有詞載雄筮刺南服氓和政通入為翼郡曰惟司空
麟符出守榮名日崇解組粉榆汲鬚未遽復游二紀

屹屹竈々在尊稱達表俗稱龐象賢有子錫羨自寫
高陽之里展矣八龍洵美中丞天衢驟馳比陟菟臺
遂晉新封公拜再至愉有壽容紫泥在匱薦錦被留
中丞覲止其樂融々詎樂未央而疾則攻清霜夏竇
白日晝雲里社黯色黨族怛中具曰公德披素洞哀
劃如驚霆密如激空相彼狡兮不啻蟻蟻亦曰公履
視明聽聰食靡祝餉趨靡扶筇相彼耄兮邀其下風
胡不彭如胡不喬松有涯者生所貴者終載茲百祿
以遊魚溪之何憾言念素悰疇昔之歲不獲實春

托姘名家昉也幸從公弟畜我差池辟雍譬諸草木
臭味則同施及仲子授分並隆維時仲氏有息在種
令子字之甫爾鼓鍾曾無幾何倚吉伏凶惜焉相舟
讌笑之叢翁也天只哀此閔躬命育姒兒洎于成童
亦既抱孫遽而哭翁嗟嗟我私胡寧不恫逝者如斯
徂秋歷冬遠日既兆夜臺既官百年旦莫一酌匆匆
謂公亡矣頻若不膏謂公存矣交期迄窮嗚呼尚饗

祭憲副芝南徐公文

代伯兄作

嗚呼哀哉公之不祿胡為至此烈耶以聖人之徒竟

就死地以不啻千金之軀見傷盜手身非上地之儒
而罹戕賊之懣素無金石之汰卒如奴輩之毒嗚呼
哀哉夫仁人徵壽君子考終然而仲由徇衛元衡死
恒故天下有不可測之變而君子有不能逃之天嗟
嗟此又閔求哉夫公所謂矜行之致直義之標也始
公驄馬鷹冠持憲出入天下方望其風采乃獨以純
孝故退而養於舜水之濱峻色挺挺不與流俗乾沒
閭閻不逞者望之若虎豹在山惴然喪氣以是為正
人所稱而亦以是不利於群小嗚呼孰謂公至此烈

也公平生泳學海鰌其潤據清流漉其漓即在故里
隱然公望也部使者檻公善狀上諸朝議者肆之方
大用公而公亦以報稱自矢嗚呼孰謂公遽至此烈
也尋公終始揆公禍福洵所不忍言者豈以公之賢
尚有不鞭其後者耶將數之不淑非人所能為耶豈
上天福善徒為空言耶將大化冥冥或有所不及知
耶天不能無含譽亦不能無挽搶地不能無騶麟亦
不能無豺狼嗟嗟又奚忍言哉夫人生世若大夢然
常變糾互喜噩交作如公今日直一噩夢耳然哉公

者賊也知公者君子也死公者遇也何死何生何凶
何吉者神也公亦可遽然其覺無怛化矣其欽休風
也久頃歲以不肖子微言賓館辱公以道義相許可
寔賜之盟方期世比芳訓而公遽至此有躬不獲要
諸久有子未及炙諸門則竊嗟嗟悼焉於公之空爵
一觴而為之辭以慰公魂以寓余戚嗚呼其聽之哉

祭封祠部郎中龍巖鄒大翁文

夕風厲兮雲朝霏輶既設兮祖靈輻逝將送兮君子
愴莫挽兮陳詞靈之降兮龍泉被服菁蕙兮式如璫

洵故邦兮質行又雕龍兮蟬連枕風兮藉雅左右襄
遊兮與嬰上下甲分符兮赤縣乙賦歸來兮吾以貽
夫來者來者兮駢賢席有珎兮伯翮又蔚蚤譽兮仲
子入綜禮樂兮出藩宣於世美兮朗融帝命貽錫兮
滋益恭展稱道兮無射歎載福兮考終靈亡兮不亡
恍夷猶兮雲鄉人胡為兮惻惻日胡為兮蒼蒼厚夜
閒兮不晨典刑邈兮何論隱思靈兮於邑况辱締兮
婚姻湛余醑兮尊中煇余香兮几末靈不可兮少留
聊想像兮髣髴

祭通府懷雪胡公文

代伯兄作

萬曆十一年歲癸未之九月承德郎判紹興府事懷
雪胡公時視事蕭山卒于署訃聞徹郡諸邑姚人南
京光祿寺大官署署正陳有勲舊於公寮也追往誼
之周渥仰來臨之孔通一別于旄旆割牘不聞公
疾寧識公逝於乎以此言哀哀可知已乃以月之十六
日甲午晷蠹載豆奔哭于匱次奠焉而將之以詞詞
曰厚夜兮秋旻惛獨悲兮媿人撫今曩兮墜涕零余
懷兮難具陳余昔遊兮舊都竭交手兮情親儼後先

兮貝闕芳襲余兮若英君既有兮世美又重之兮修
能攬余袂兮木末聯余轡兮江瀕蘭藉兮桂酒紛浩
飴兮陽春徽歡兮轉轂牋余邁兮初服君之來兮四
明揚翠旂兮空谷揚旂兮未幾縞衣叩恤兮適其歸
越三秋兮幸臨車駟駟兮無我違越有鎮兮姚有川
越則得歲兮頃姚則專自冬兮徂春弭節兮鳴絃有
靡者兮林之麋鼯民與頌兮夕歌我私焮君駕兮何
之睨悠悠兮遐思朱明改兮林皋索悵欲問兮遼哉
廓庶無疾兮欣欣溘聞訃兮然疑作撫壯兮安翔奏

嘉量兮榮名未央君定逝兮胡不傷羌司命兮茫茫
晨何晷兮促暝芳何萎兮先霜愴交期兮千古愴一
訣兮徬徨淒風薄兮總帳寒餘歡杳兮悲無端隱思
君兮長畢渙余淚兮萑蘭有酤兮酌君有此兮挽君
酤不余御兮此不余應嗟髣髴兮重雲

祭嶠峯周先生文

代伯兄作

維隆慶三年歲在己巳冬十月二十三日癸亥嶠峯周先生
考終於寢通家眷晚生陳有勲有孚門生陳有年方有先淑
人之憂禮不以衰弔既哭諸廟門之外若寢矣越四日先

生且祖勲等哀兼恩義情迫始終痛一訣之在茲詎
奔號之但已於是束香載芻割牲醢酒率家姪氏諸
在先生門下者啓和啓科等哭奠於庭稽顙而告哀
曰嗚呼先生徃耶先生辱與吾家交七十年迭為師
弟子者三世乃其情若誼諄諄猶朝夕也而今一旦
徃耶嗚呼哀矣先生事先大夫猶父拜先淑人猶母友
勲若孚猶仲季而訓年若和若科猶子姓然廼其情
若誼諄諄猶朝夕也而今一旦徃耶嗚呼哀矣先生
視吾家無異其家有慶未嘗不與也亦未嘗不歌且

舞也有戚未嘗不與也亦未嘗不顰蹙而流涕也中
饋之婦閨遽之女先生至無不識其聲者始學之子
能語之童先生至無不承其眉宇者畦圃之力從階
除之臧獲先生至無不通其姓字習其使令者比隣
姻族逢先生於途無不曰陳氏賓師者鄉里童冠侍
先生之函丈無不曰陳氏淵源者閭閻之間見先生
儒衣冠游也其君子改容而愛敬也其黠者將侮其老
詐其迂而或以少欵也無不曰陳氏所尊且比者之
情也之誼也諄諄猶朝夕也而今一旦往耶嗚呼哀

矣自先大夫棄其孤垂三十年前微聞見日以益遠
先生每顧勲等於廬久或竟歲近或連昔或隱几而
論通或擊節而窮經或抒情而賦詩或揮毫而授業
或極參伍而稱先王微若蘭絲巨若瀚海無不辨也
審之為細行廓之為碩業無不勗也所聞者先大夫
微言也所見者先大夫遺行也之情也之誼也諄諄
猶朝夕也而今一旦徃耶今而後復何所見聞耶嗚
呼哀矣先生德足以致亨顯而竟以坎壈老學視拾
一第不啻地芥而卒不售得於天者能軼老躋耄類

渥丹食如壯夫而不獲與聃塋埒其所終身屹屹不
使其身造次離墳雅購書且盈萬而不能畢使其子
之能讀平生修積不於身謂宜必於子孫而終老以
沒未有為王父尸者以若所為足稱善士古人而種
種隱約自將曾不得與狡童悍夫挈尋而度尺此皆
勲等之所不喻亦自古所謂天道夢夢而莫詰其故
者舉不足為先生哀獨以先生之情之誼而一旦以
往上無以寓先大夫之典刑下無以振勲等之賸賸
此勲等所為盡然以哀潛然以號而不能但已者也

嗚呼先生往矣群號之言不足以勝一抔之土矣而
容茫茫而神洋洋而聽斤又章又而不死者徬徨嗚
呼嗚呼尚饗

祭內兄愧和邵公文

萬曆丙子十二月九日愧和邵子卒姻弟陳有年走
哭諸其寢已復咨咨嘆焉客謂余何嘆也夫臨夜臺
者神傷睹涸轍者氣苑感詎參會情匪同途今子興
哀具爾之喪則既知之矣又從而嘆之何居毋其為
溢情乎吁有以也始愧和子抱文學自雄睥睨一代

聞人輒有大兒文舉之嘆亡論同遊當是時豈謂頗
頷不售卒用青衿老也且售不售不足道余跡愧和子
蓋直義人也性絕緣飾尤不能商又為周容酒酣耳
熱擊節賢豪忍不能見不義彼其中固有槩焉者吁
近古以還中行幾何乃或蔽所長而挾所短甚者朝
濡其沫夕射其影此何以故也愧和子老矣蕭然歛
其雄心捨其曩昔之所嗜而稅駕於山樊矣詩曰挹
彼注茲愧和子倘有償乎無何迄病且逝也年不登
中壽也已矣已矣當子之身末之能償矣可嘆哉可

嘆哉愧和子平之明年春正二十有五日將遷匱而
即殯次先一日壬子有年乃剋牲醑酒祖于其庭而
為詞以訣之詞曰凜玄冬之晝暖兮連朔雪於孟陬
悵鬱悒余歔歔兮傷肺腑之莫留時忽忽而即遠兮
柳車懷其在庭暎丹旄而雪涕兮髣髴若之平生君
倣孕此英標兮載世美曰顯融氣峻嶒以聳構兮越
印拂乎蒼穹紛總總其有美兮睇一世若下風語嘒
嘒而不讓兮謂先民未之曾逢君今蘧蒢遠迹兮撫
媚屏顏羗率情而慕義兮曾不礪乎大閑既質有珌

蜂節兮又重之以昌辭朝獵皇墳之幽逸兮夕蜚鴻
藻之陸離惟勁翻之洵具兮獨竢時乎吾將翫蹇不遇
此扶搖兮歲晚晚而莫君與紉蘭茝而佩之兮謠詠
謂之蕭艾基君以其下猥兮諱君以其睚眦間脫豺
於虞羅兮翻磨牙而圖噬之衆不可戶喻兮或覆起
而議之君豈不知愿者之偶俗兮曾不改此度也雖
齟齬亦何傷兮夫惟直情之故也爾其覩翕翕而非
謀兮逝將適乎曠莽攷龍淵而自珍兮偃湫叢以獨
往山曲嶢宵以深兮邀麋鹿乎為群烟霞續其相先

兮曠時長於晨暎恃年歲之未邁兮謂愉樂之方長
謂憑心於世路兮指九天以取償何九天之不可問
兮羲和歛焉促節委營魄而長瞑兮豈惟惻夫井渫
撫尊壘君安在兮憯獨悲此大暮闕景頽岸自古然
兮孰藏舟之能固亂曰浮雲翳空綬若若兮如脂如
韋供世一噓兮一杯同掩壘又不作兮君毋怛化要
以為安兮嘯乘洪造聞余言兮

祭方塘楊公文

嗚呼公遽逝耶萋萋而哀也龐又而度也烝烝矍又

而業也即謂叔世之先民猶近也而今遽逝耶公才
弱冠當室迨於指使之年靡一日淫心舍力亦靡一
日豪舉身以其家起終其生未有睚眦公者鄉閭歸
朴茂云余世與公比廬稱婣姻之族邇猶子者子受
室公子太學君誼加睦間者啣杯酒接慇懃之懽聞
公語往往依于義退而嘆曰善哉實其言幾何不為
叔世先民且也睹公神不啻壯也綜理儉密晝而飲
繼燭不亂謂上壽可致也而今遽逝耶嗚呼柳載夙
戒薤歌且發公翛然往矣有酒載觴有牲列俎及公

之在庭而祖焉公其少需為我一顧歆哉

祭二兄文

嗚呼兄今逝耶哀哀同氣忽焉盡耶丙戌喪大兄辛
卯喪太姊行役修阻五內如剝比甲午弟歸白首朝
夕惟兄與弟兄方佚老弟亦遂初竊自顧得長相保
桑榆間依壽色適此餘景也居諸幾何而兄遽一旦
不可諱耶兄長於弟一紀而竒弟衰兄彊弟瘁兄澤
行塵弟後詠思兄先兄神常羸弟氣常詘每幸兄之
為松為栢而自虞其不當為蒲柳且為朝露弗獲久

長侍也詎意兄溘先義而往耶疆澤逕此衰瘁胡言
飾巾竢終從兄豈遠第不識九京之下將骨肉暱而
相左右一似人間世耶否耶如其一似人間世也則
兄於弟為訣於先大夫淑人若姊若兄為晤生平之
德之政不墮家聲藉而見可以無憾登年大耋手足
乃啓藉而歸可以無憾貽穀胤祚爰及曾孫藉而報
可以無憾惟是訣者之悲一絕莫復訣者之感再覩
末繇昔何以提我於弱齡今何以棄我於頽子昔何
以怡然六十年如一日今何以奄然頃刻成千古縱

將來者從兄非遠而今安在耶嗚呼哀矣哀矣落葉
淒風候其改月矣音耶容耶日悄以逝矣寓哀朔奠
一慟摧咽矣

刑部祭陳太淑人文

淑人方祗降靈眇鳧流光啓令儀以嬪媯秉碩碩而
稱姜伊誰相矣中丞有烈紀于旂常伊誰子矣憲君
宗伯武部繼驤故能美不專成蔚為內則行不踰壺
參華國章其生也珠翟綉裳煌煌北堂其沒也徹于
帝閭祀筵有將豈不以齊德者偕享式穀者彌昌類

載福以考終閱九十而云藏精歸娶野孰云其亡聲
施裔代于何不長其等辱交鳳毛聯佩駕行邇休風
之淵遐嗟靈淑之淪茫薦清酤兮湛矣誦遺則而琅
琅

同鄉祭陳太淑人文

嫠宿委精舜水鍾靈休茲淑人作比名卿名卿奕奕
蜚聲樹績淑人比尺屨也維則令聞既昭慈澤載遙
厚集厥祥施于鳳毛迺作憲君以奏膚功夙夜黼黻
於維秩宗矯又武部駿譽方起亦有季子時稱髦士

淑人穀之厥有食之百順攸介九十維祺瑶制在匱
華章有服匪繁侈遇而德彌篤僉曰淑人以莫不增
奄哉無祿北堂晝暝咨咨棘心爰有孝子伏哭重閭
星奔故里嗚呼日則有夕山則有泐所不磨者淑人
之德前徽隆又後祿融又人孰無亡懿此考終余儕
鄉人夙欽芳淑芳淑永閔一逝不復回首鄉丘淒其
以風有德愔惻祖奠焉從載束生芻申以哀詞臨風
望酹露乎在茲

祭陳太淑人文

代禮部作

有劍晶鋌莫邪儼之鳳鳥于飛丹穴羽斯星分婺野
淑人其碩憲又名卿實維令儀鼎彝有勅德音莫違
帝錫之章華服祁祁既勤伊相復厚厥貽蟬聯玉立
式穀相輝伯也持臬茂實風馳赫又仲氏邦禮實毗
叔夏奮矣五兵是司席珍韞都亦有季隨淑人勗旃
忠以孝資勗既載笑百祿綦綦懿彼前聞昔在申國
正猷名世榮公繼跡詎惟家慶良昭內則方諸淑人
異代有奕爰載景福怡然華顛子祿彌熾毋養弗延
劍氣神合鳳孤思煎捧檄遙酸有淚如泉豈不慊履

豈不考年譬彼岡特胡然有騫嗚呼坤順無儀誰爲
致美相在爾君亦于其子形盡輝留千秋長是輝哉
淑人可謂不死余儕聯署南宮叨與仲氏朝夕相從
夙聆芳聞欽哉休風泉途巨作云何弗恫託茲焚香
以佐哀哀東甌醑醑邀矣長空

祭劉太夫人文

代邵星老祭同門乃堂者

威鳳斯轂丹山孕祥惟崑韞彩蔚為主璋不有聞者
孰肇其昌不有振者孰闡其芳昭哉劉氏家聲實敷
云何隲矣阿母孔良矩順刑家肅雖在堂淑問既長

慶源載溢享此苞羽毓此玉質壽母令子騰華茂實
玉也禮天鳳兮朝日僉謂猗休母非徒勤既觀厥成
亦逮厥身至孝曰嘻瞻茲白雲願言將母封疏以聞
封疏成徹彩衣故里曾養潘輿母氏燕喜聚順融融
三年一畧侍短去長天胡忍此鳳穴翳精玉崗閔美
風颺木驚哀哀孝子依昔侍笑祝母遐年朝朝暮暮
北堂之前適其往而創母終天不見北堂見此夜泉
嗚呼有母考終有子駿龐有養既色有歛既躬有靈
不克乘此大空豈曰無衣行賁于宮人為子輩子為

親恫數也有限情亦何窮其等叨附令子南宮同籍
視則猶母位非趨客方羨榮惟俄驚疾革望華修原
氛連冥宅芻帛是將臨風月夕楚些淒其遙增慟瘠

祭

淑人文

哀夫長夜之為酷也何奄逝而交促夏慘淡以若秋
兮蹇不遺此靈淑高郵之濱多間氣兮母實降茲伯
族紉蘭兮瑤裾采蘋兮宗祝德音兮若賓慈訓兮歷
牘丹穴將雛兮苞彩成有輝其儀兮子皇之廷方金
絨兮喜驟忽素幔兮悲傾天既厚母以令德兮又申

之以嘉嗣胡獨斯此期穀兮羌溘焉其委世綸封錦
服行賁泉宮兮惜獨悲此逝驥繫某輦之視令子兮
屬蠅附于末遊痛淑母兮幽臺巨作哀孝子兮星途
莫留愴束留兮旅位聊醊醑兮道周千里遙兮疾風
懷素臆薦兮靈其來之靈之來兮難倪宵天溥兮氣
翳之東望淮左兮陳此詞嗚呼哀哉兮可若奚

祭大外母徐太孺人文

萬曆八年歲次庚辰正月辛丑朔越四日甲辰寔徐
太親母鍾太孺人發引之先一日也太孺人有孫通

門者年有年兄有數言不能會葬乃命年以剛鬣乘
毛底蓋清酤往及主人之未遷柩而奠焉言曰世匪
無淑亦既曰淑或觴於天世匪黜福亦既曰福或靳
之全得金金昌疇則有諸繫太母賢始相太翁振鐸
儒宮傳車蚤懸冢君繼之賓賢而起靈冕翩又叔季
備業迨於孫曾為璣為璿歲也大耄翁左母右長少
羅前內外之屬將千其指旅祀闐又人間可欲彈不
一缺八十二年函福而逝與玄化遊翛然上仙日者
冢君千里捧檄歸旌式遄彌月其侍含躬木羨若有

待然非天則那眷自朏明迄厥虞淵泉臺我我爰祀
其吉祖壠之煥燬石而築糴以赤埴若錮三泉羨門
既啓素旂載陌言導輜輶楚歌相屬同黨畢至矧也
嫻連維余季氏受室冢君拜慈寔偏慈叵覩矣于焉
扶服執紼宜先中庭之祖侑以蕪詞不腆豆籩毋則
循生倘無遐哉靈其舍旃

祭朱太恭人文

冲道無成疇為不朽諦彼相兮亦于其後賢不必貴
亦不必壽天人之交至耶或不蔚其參會惟德之厚

於維恭人懿哉具有具有伊何運公作鴈公昔奮矣
雲達矯首花邑絃琴鴈行結綬駟職斯臧醴計孔阜
進調通才退稱碩叟煜煜內治齊休匹茂豈曰無衣
紫泥寵授既貴而賢螽斯戶牖伯仲連翩弓裘手受
函郁賢閔騰光霄斗有菑孫枝旅侍左右慶源孰培
比堂壽母載受帝祉錫之黃耆俯視耆艾累又培塿
俄然考終中庭設萎天之生人厥惟紛糅或颺繡袂
或墜塗垢有如恭人長暝胡負繫余後生欽芳日久
妄圖倚玉朱陳之舊恭人過聽不辭謂夫將使系息

為猶子頌徽福方深聞訃心物丹旄飛飛屬綽在手
戒日從公仙原宿莽何以祖之沘毛山藪將以薤歌
薦以玄酒靈無遐哉歆此一缶

祭邵宜人文

於乎宜人高蒼太荒永玄日黃此何辰耶將收芬馥
耀永歸於穴湖之佳鬱耶宜人相君子以道慈字先
宜人孤若側媛子與離衷者均也德何種種且章章
也而今云亡耶宜人茲之歲屢又望始壽耳侶賓對
者隆然駐顏環北堂而林立者食指繩繩未央也而

宜人遷云亡耶自古生必有盡彼其盡而盡耶百年
與旦暮等若其芳流而聲施耶旦暮與百年亦等宜
人克厥相中憲公為名大夫宜人慈而荀龍謝樹登
王國瑞階除所謂不亡者非耶矧茲之歲又不為不
壽也於乎宜人洵無憾已廼余於宜人之亡有憂罹
菟結不能已已者嗟余仲氏之息實惟宜人之婦宜
人錫胤祚而息獨賦霜鵠宜人富孫枝而息獨斬似
續生如畫燭情深何隅所仰者姑大人也而今忍棄
之往耶曩宜人在也蓋京又焉愈又焉其強歡而與

咻之若傷也其垂涕泣而道之若恐其不立也而今
忍棄之往耶於乎忍言哉忍言哉夫宜人所無憾者
余既與有識者共之矣獨余所悲痛菀結不能已
者于焉怛々于焉忉々隨辦香卮酒而焚瀝諸几筵
之側宜人冥漠之靈所不忍忘情者能無鑒於斯言
耶

祭周太淑人文

代伯兄作

嗚呼古今所重於世誼者豈不謂更生死而不寒哉
始歟孩孺見先君與周之諸君子也比麗若家人然

稍長能挾策即暨令子若姪周旋從事時夫人視之
亦不異子若姪也醉慈醇飫德蔽匪伊朝夕矣爾後
休戚榮悴情義日尋無幾微間涅迨令子驟馳仗節
樹殲吳會寔先君宦遊地也廼按數十年陳迹表而
祠之此其昭爍泉壤又豈直世誼之云耶嗚呼先君
逝矣令子集公議而圖顯揚者攷又無異家事也夫
人方載福而嬉也勲輦獲以家人禮歲時拜祝亦未
嘗異少長時每瞻謁必曰五福會昌萬壽無彊嗚呼
詎謂夫人遽謝榮養即幽宮耶去冬夫人就祿南都

霞帔寶珮安輿彩舟子舞孫隨左吹右戟勲輦輿送
也僉曰身衛至則羞肯在前愉顏在側穀履百勝精
羸更強勲輦輿聞也僉曰遐兆嗚呼詎謂夫人遽謝
常養即幽宮耶嗟又馳騷駛馬飛矣錦閣晨間素幔
夕歸矣或扶或擗兮迢北堂庭氛藹迷矣涼風變而
寒霜淒矣靈輜載駕哀何如其矣追昔閤門候語登堂
問慶數紀於茲倏其永辭辭聞聞道道楚挽歎矣靈
其鑒兮宵不可倪矣

祭外母薛孺人文

維萬曆七年歲次己卯十二月壬申朔越十一日壬
午外姑徐母薛孺人歿十有七年矣將啓殯而窆焉
甥陳有年曰年得為甥也晚不及孺人之存然及拜
孺人殯宮儼然存也今祖孺人即先窆一日乃設牲
奠醴而將之以詞又曰嗟又孺人賢矣而弗遐也事
尊章苦心矣先所事者而逝也相夫子勤矣卒之日
所紉猶然青衿也子若女群立矣劬劬焉憂婚嫁之
未時以迄於終也嗟嗟孺人將無有遺憾耶十七年
之間尊章繼登大耋環庭之祝若林孺人曾不得旅

進而稱觴焉夫子歌鹿鳴而進翽翽仕籍厚祿且罪
至孺人曾不得勞問疇昔而持扃鑰焉子次第日起
且也抱孫即甥至不佞亦欲畱自勉以無辱也孺人
曾不得左膝右拊而解顏色焉嗟又孺人將無有遺
憾耶雖然孺人之生也躋堂而曰何以事尊章使壽
而康也下堂而曰何以相夫子使聲實光也入室而
曰何以立子若女使賢且得所也當其時孺人得見
此三者而喜可知也迺者所事則爾又矣所相則爾
又矣所立則爾又矣孺人即不見乎哉歿而有知豈

其舉生平所祝幸哉兼有之而顧以憾易喜必不然
矣佳山之鬱甲舍都其陽先兆据其上孺人往即新
阡洵無憾乎

祭趙太夫人文

嗚呼天胡奪太夫人之亟耶太夫人之繼相叅議公
也一旦而母文學君若今御史大夫也身毓叔季子
而立之也叅議公則終譽矣御史大夫則名世矣生
則有宸褒矣沒則有國卹矣壽考令終榮哀具矣而
說者何居哉猶盡然於天奪之亟也豈不以人之生

有涯而其所係者無涯故有其盡而謂固然有一死而舐衆望有短而莫惜有脩而猶驚有捐槐館而慮不閑國氛有掩護闔而變不止家戚日者國是鼎新聖天子召大夫於里摠御史臺綦重也太夫人卻板輿不御而時寄亡恙曰勿以老身乏公事綦減也大夫進正色而立朝退穉哉愉乎東嚮拜而授起居者趾相錯於途綦歡也寓之內方以大夫重世道又以太夫人安大夫廼曾不三年淹天奪之往胡然而若是亟也且太夫人即壽乎哉其於稀齡猶跂之也世

豈無耄者而期者而過其曆者獻歲之辰大夫朝發
使上壽而夕宿於公以歲計典邑之侍同朝者亦函
幣修詞竢大夫自公之竣而薦賀焉詞曰家有壽母
國有老臣豈粉榆則常萬邦之楨嗚呼孰謂先一月
而天亟奪之也嗚呼太夫人亟往矣大夫亟歸奔矣
有涯之生不足以俟無涯之仰矣寓內悞頤而若有
失矣矧我鄉人易祝而輟矣臨風千里綬薄之笑縞
惟洋洋神所臨矣公私之慰寄茲一酌

祭鄒太親母丁太夫人文

萬曆二十五年丁酉夏六月誥封鄧母太夫人卒
于山東行省以先就仲子左使養云比九月仲子扶輜
抵里往嫗家陳有年舍側年時病親自力之水次攀
輜舟弔焉後六日為月之二十八日丙辰乃遣子啓
端等敬奠太夫人几筵而將之以言曰秋風淪兮露
兮為霜丹旄遙兮載翔夫人歸兮故鄉瞻華第兮靈
乎相羊鬱其蔥兮柳裏之陽君子攸宮兮寔則雙有
丹者穴鳳兮凰轄之引兮聿來旁將諏日兮偕以燕
寔何不之兮珮琅琅几筵秩又哭殿堂展如夫人兮

亶不亡名閨胤淑兮開厥祥夙相君子兮紉縹囊駕
自文學兮蔚為郎鳴琴赤縣兮陰有棠洵美伯仲兮
服義方伯也千里佇騰驤蜚英累勩仲煌煌森森貽
厥兮表餘慶綸褒婁錫兮微音與長於粲翟第兮服
孔章板輿燕喜兮祿穰又大奎斯邁兮樂且康隤然
委順兮迈吳蒼含貝襲采木黃腸夷盤畫設兮長夏
涼言即輶車兮柳飾牆蕙葭遡游兮乘彼餘皇誰謂
家遠兮若康莊瞑哉夫人兮百爾具減羌謏又兮何
德辱仲交兮托周戚女字余兒兮子締余息胡朱奉

兮慈色溘永閼兮懿則懽獨是兮私惻豈無百年兮
不叩以懽臨風阻兮匍匐煇蕭蒸蕙兮蒿三脊物無
腴兮卿薦余臆

祭翁親母蔣夫人文

代仲兄作

於乎思媚京室濬發其前共勤敬母奕世彌延於維
夫人實與後先女貞夙秉壺範慎旃蚤相司馬為國
具瞻敷歷中外垂八十年萬夫舉首八座靡有留忝
機務四方以闔夫人與俱莞鑰惟堅天子曰都內子
之賢累晉崇封冠誥翩又功成引退偕老林泉番又

雙白食福於天克襄厥美載振其傳芝芳蘼茁旅侍
森環雖不離裡鞠育無偏畢授弓裘散為璣璫人間
可欲豈不一愆有如爾爾得全昌全老兮而化脩兮
上仙嗟嗟夫人又奚憾焉爰詠其吉歸窆丘阡薤歌
相屬素車且駢同堂酌集矧也姍姍季弟仲子締盟
于娟娟即不祿外慈猶然言念姻婭肅陳豆籩靈無
遐哉鑒茲微虔

祭鄒親母陳宜人文

宜人一生翟冠晶晶為君子述今其逝矣瀝謝君子

從姑于幽君子榮又板輿東岳言奉姑遊姑遊如何
不見板輿萎車星郵千里自東北堂晝空曷以忘憂
憂豈生魔蒼天則那降割彌留年未渠央謂熾且昌
朱明歎秋契濶安仁掩賦傷神往者悠悠筑筑噉噉
諸孤長少潄沫橫流始母疾幾撫少倍悽恹然承膝
二少疇斯女字家兒男余令攸俄然驚訃婚姻之故
矧也綢繆遠日惟良楚些嗶嗶導者縞游我豆我籩
于靈之前爵以一齒

祭內弟徐長君文

萬曆十七年歲次己丑正月之十九日丁卯徐長君卒訃於女兄氏之夫陳有年有年為之怛焉心折淚潛又下也已剗牲醢酒先君殯五日丙子奠焉而哭之以文曰於乎長君竟至此耶大淵之歲余宦豫章君昉遘病馳問自鄉驚語內子心通道長吉耶凶耶視天茫茫載獲嗣音參杞奏祥亦既彌留而不為殃言離於褥言步於廊若蠲斯續旋卜君康豈日以月瘡劇靡常比余東歸君仍在床駕余訊之瞪目恍恍語不可辨恃粥扶傷居無幾何聞報蒼黃看苑其舌

若極之吭半蔽扞格二豎膏肓於手已矣君茲定亡
惟君做生令葉高閣席休脩業衣美承芳未冠失恃
如哀北堂悼婦為岳哭子如商挾策蹇產涉世踉蹌
片遇若塞多艱寔嘗繫數之奇匪德則涼謂將汝王
迄也未償佗僚忱鬱癘憂以瘁馴至殞越不弔彼蒼
君有王父九十彌強孫枝偏萎泫泫盈眶君有嚴君
翱翔周行山川間之聞訃徬徨君有同氣左右相將
頓弱一个悲慟惶惶有婦後死仰天斷腸有子蚤孤
搶地稽顙君含猶視春日不陽詠辰飾輅殯君舍旁

送余歸新寧不愴人生有涯千秋同藏或修而竊
或短而良大造賦物曾何足詳矢余誅辭燭余辯香
君乎歸來舉此一觴

祭大外父徐南石翁文

皇古日遯淳漓厚拆人生其間如景就昊懷千歲憂
生不滿百有豐於年而福則嗇幸或兩之少藉以德
提衡而論孰與公得叔世先民終始惟則童年明經
瑾瑜聲籍既貢於鄉既觀於國載其恬愉悠哉壽域
三十六閏閱此全璧初公辭官飄然若釋卒成家君

褒封再錫僉謂公乎高閼有奕公謝不居我適其適
我圖我言我泉我石公於逍遙公於偃息交不出門
過者自式仲突季隨舞彩娛側五世其昌芝蘭瓊玖
外內之屬頷未盡識箕疇華祝我聞在昔於公見之
樂只無射秉化從容帝鄉是即公洵無憾人又奚盥
譬諸爰日所願常多時其暮矣猶病其迫譬諸慶鑒
所願常覲時其歛矣猶病其亟人情固然況也周戚
自我謁公春秋卅易儼則公孫藹焉承色公安里門
我多家食歲月孔閒每親函席其庭殖又其儀抑又

庚寅仲冬辭公捧檄公笑而言來日我窄有如見憶
索我於安我熟睨公身輕容澤期願不遐倘也過曆
夫惟去年匪畧所測相視而別五載以隔比我歸來
秋風策又朱明候殷公先易簣前言何期烟又在憶
我狀公行生者之責丹旄縞帷此焉扶服龜筮既辰
輜車啓夕及公未寔洋又可索爰竭我牲爰驪我驛
公亡不亡陳辭告臆永言送公山高水湜尚饗

詩

七言律詩

得請東歸

此日生還荷

聖明故園雲樹不勝情到來寃夢真堪慰老去膏肓
苦未平百口燈前勞問訊孤筇檻外謝將迎扣門獨
愧田家偶嘆道頻年作麼生

中秋值雨漲新落小集遲月不見次仲兄韻二

首

曾波淼又暮山開小築渾如江上臺把酒欲邀明月
飲登樓偏訝薄雲來嗟鶴髮堪乘興暗裏蟾情是
姁才華色定知千古在陰晴何事使人猜

其二

草堂秋半一尊開遲月依依更上臺酒落虛疑冰兔
入詩成寶篆夜珠來此時天柱堪憐色何處風流作
賦才獨愧吹簫渾不稱燈前白髮重驚猜

丙申元旦二首

夢回欹枕入新正五夜琅琅過雨聲已覺年光移爆

竹旋看春意到，柴荆起扣香火君。薰父飲罷屠蘇，
對兄斗室坐聽兒輩語。尊前書史亦堪評。

其二

村鼓喧喧徹曙鳴，人間歲月此王正。為窺蓬徑三陽
轉，遙憶堦一莢生。北極璣衡今亦古，東郊草木雨
還晴。相逢偶語無他祝，願得年豐頌聖明。

外舅徐翁年七十有一禪後逢生，因謝戚屬不
聽上壽，不佞馳馬輒詠其事以明盛德。次翁
弟五丈禪日有感韻。

七十蹉跎素韞殘多君不作宰予安三秋木燧從他
改初日桑弧黠自看末俗忘親歌管沸誰家謝客酒
杯寒為言人子真堪念趣取萊衣好合歡

徐五丈禪日有感作詩寄示次韻奉荅兼慰

駒隙無何眼含殘悲歌回首倍忘安絕憐此日冠裳
換轉憶虛庭詩禮看陰罷霜宮飛積慘望來雲隴結
輕寒試觀人世誰無死能得君家百歲歡

次慰徐三丈禪除文夙喜言詩嘗擬和楊憲副

離岩長律久不出稿戲及之

九日山房書帶殘山人詩草未能安應知除日舊琴
意坐失清秋宋賦看夢裡彩毫堪自握傳來白雪向
人寒解顏何地開詩債遙望蘿岩一咲歡

讀歐圭齋比干墓詩有感次韻二首

未應朝縉總釵裙寥落忠肝幾許聞豈謂乾坤仇七
竅空令今古吊孤墳晶又大義朝懸日類又貞心畫
作雲獨恠北庭詞賦客停驂蘋藻亦紛紛

其二

玄鳥殷微毫社荒一身九鼎決存亡不難瀝竅酬湯

胤翻恨封骸屬武王世遠風雲猶勃鬱秋深草木自
蒼茫經行何限詞臣淚掩卷歌殘落日黃

新正次仲兄韻

白首相從又一年故園喜共拂衣眠况閒已葺先人
第我病將蕪舊日田雁影差池行自後椒花傾倒酌
誰先山中甲子堪同記何物浮雲莫問天

六日大雪次前韻先是三冬無雪

雪晚猶堪補去年轉憐臘盡袒衣眠無何細雨霑塵
陌不盡晴煙起石田忽覩瑞花還歲後懸知六出為

春先農家拍手呼新釀宿麥應占大有天

九日立春晚晴再次前韻

青郊脉脉動芳年老病扶藜罷午眠雪色故驕春社
酒晴光新轉夕陽田農窺草甲畊非晚客報梅花賦
已先景是東南嗟力竭嵎夷何幸際堯天

穀日宿陰寒甚戲作

穀日陰陰晦若癡非晴非雨殆芳菲薨溝宿雪渾成
砥墻角層冰欲作隄我自不爐憑擁褐何當覓句借
啣卮明朝却是青陽節為語玄冥彼一時

送外舅徐翁北上薄除時余病目失祖前驅悵

然念之情見于詞

中林甥舅若為分歲宴驪駒阻送君銀海蒼茫迷朔
雪金臺迢迢隔南雲春來定弭彫輪駕老去重懸錦
綬紋何處風塵仍佐郡此時豺鼠倘成群踟難白首
堪加飯身健青霄好策勲最是關情惟尺素可無征
雁數相聞

送徐翁還任攸縣

朝罷明光一過庭驪歌又出紫烟高星軺夙駕長沙

路露冕春回嶽麓亭五月和薰行處有千家絃誦到
時聽臨岐莫念東床客去住天涯眼共青

送贈沈繼山

憶別都門三復秋襲來藻句燁然留忽聞珂里雲傾
蓋豈少金莖露滿甌肝膽當年雄借劍江山吾土愜
登樓知君不淺憂時意回首能無念帝州

丁酉元旦

初陽臘破浹旬遙獻歲餘寒始漸消爐裊香烟生五
夜簾開霽色晃三朝衡門蹤僻猶瞻斗村酒微醺可

借韶節物依然情景副盈堂縞素重寥々

東歸避客登蘿岩次抵家有感韻

曉日籃輿短髮明登臨不淺舊山情柴桑乞得歸元
亮婚嫁猶然老尚平洞口雲還元自在谿頭僧語故
相迎含情最是經行路一嘯松風謾又生

蘿岩雪行

僧房蜚雪春陰又躡屐出戶轉更深潭影岩光不可
極幽蘭始竹那能禁行邊天近幻花出醉裏風高寒
木陰誰謂同行稀好我名山猿鶴時招尋

送

一闕驪歌送遠征
看君拜命促飛旌
心懸北極初辭闕
目破南氛欲請纓
芳惠遺堂舜水漉
繁花新署粵山晴
遙知儒吏多良績
萬里賢聲耳倍傾

送

秋風歸去紫霞濃
羸得閒身侶赤松
華閤舊承台座履
牙章新換史家封
越溪水碧堪移舫
稽鎮風清謾策筇
已看鳳池流澤遠
白雲深處覓高蹤

送

容城捧檄稱仙尉。客舍翻歌屬壯遊。百里林烟分赤
縣。三關戍色動清秋。開軒月白琴聲靜。策馬風高劍
氣浮。為語山前遊俠子。好將黃犢換吳鉤。

送吳梅閣

乞得仙曹倚石城。錦衣先許嶺雲迎。朝辭北極三天
遠。暮對南星萬里明。漢署香隨舞袖拂。玉門瑞襲海
籌橫。到時春色應無限。細把霞杯取次擎。

村居即事

千家禾黍恰垂垂。每日村農抱穫吹。豈謂閭閻還以

蔡公財盜財涉才腐露月白晝述豕豕所急清刻老
疾藜安得當年龔渤海坐銷佩劍事鉉基

贈翁海華

百丈椿顏炯若童羨君此日又稱翁蚤分節杖趨仍
舊時展班衣舞未終棣萼夾樓暄欲照王英羅砌好
為礪相期共醉仙家宴笑指南山入座中

秋日漫賦

當戶長松翠十尋無端秋思坐來深雲空碧落鴈橫
月淨黃昏人獨吟塵閣有書閑自帙籬花無語好

誰斟五陵年少多豪劇
酣對西風木槿林

真江阻風用韻漫賦四首

獨客維舟苦憶君
歸鴻聲度一相聞
淮南鷓鴣過春暮
江上鯨鯢起夜分
已勘塵遊渾似梗
不堪鄉思疾於雲
倚門此日情何限
風雨依又况索群

二

亦知連袂事明君
其奈音塵迥不聞
一羽功名驚歲改
百年懷抱見鴻分
長江冥又豚吹浪
蓬海悠又蜃作雲
兩地相望空復夢
越吟何處寄同群

三
前村風伯訟天君
蒼龍怒阻上聞音
雀舟前千樹
白頭浪裏一江分
故園人擬華堂此日晴
開草
還雲安得乘飈稱
歸賞脩又還共海鷗群

四

長卿抱病此辭君
楊子濤聲入夜聞
萬頃蕪天蛟蜃
室一川畫地斗牛分
關心越嶠空移日
極目江城故
駐雲獨坐吟餘歸
未得連牆作客自成群

得請初歸

四明山空白雪霏寒落蒼江一徑微
山畔狂客古何許江圻漁叟今始歸
祥光正宇促呼酒老傍茅齋
拂之忽憶年來會門人

五言律詩

送

名世三槐客傳家駟馬門
慶瞻丹穴具榮錫紫泥溫
麗日華簪色清時襞袞言
知君仗忠孝長答此皇恩
姪繇讀書山中報梅花新開次韻示

聞道書齋畔山梅近著花
清芬堪細裛冷蕊莫深嗟
玩易依香几哦詩過酒家
箇中無限意庾嶺未應賒
談間再次三韻

朔氣曠天涯寒梅炯自花
孤標一以燦百卉正堪嗟

空谷泉鳴澗幽樓月滿家此時看玉樹無語興偏賒

二

開時惟有雪賞處別無花剩得先天韻誰與晚歲嗟
含情非驛路顧影恰山家望又堪携手幽期莫放賒

三

歲宴偏宜酒天香忽綴花試尋東閣賞不為北枝嗟
白雪元同調青山自一家獨醒應未忍壺盡且須賒

蘿岩雪霽

登剡間關名石此一攀泉香朱草茁寺古白雲間

一嘯風生壑孤吟竹滿山忽聞清磬發落日幾僧還

一

杖策啓禪關層巒恣所攀足危猶選勝興劇總成閒
曉漱雲端石晴看海外山蓬心殊自失十日未言還
寄葛公旦次韻

小閣平臨野通川曲帶潮開軒青鳥至艤棹碧波搖
騷客神明胄名臣弘正朝到來窺徃傳轉恨執鞭遙
又

憐君過訪意六月渡川梁偃蓋真雲色披襟野草香

客來拋藥裹，話久洽茅堂。落日陂龍去，悵然憶岳陽。
寄葛玉濱

名卿元不朽，高冢尚堪攀。月旦老逾熟，綫毫病故閒。
無能酬令裔，況以副名山。搯管慚吾拙，雲深松柏闌。
壽張懷泉七十

漢代長沙後，明時上苑臣。山中丹鼎就，海上碧籌新。
酒映方瞳綠，歌翻彩袖頻。欣當初度日，梅柳恰先春。
人日雪霽

流年移舊隱，人日報新晴。彩勝春前麗，滄洲雪後明。

天光蘇伏枕霽色壯持觥坐憶農祥見東皋問耦耕
除夕早寐

小閣一床寒床頭夕掛冠髮將心共短人逐歲俱殘
鄉臘餘生度王正詰旦看三彭何事者吾夢故堪安
除集憶兄

今夕看何夕荆庭誰復同老方憐日損悲敢問天夢
嘆語燈前失居諸雪後窮椒觴忍自把回首不勝恫
隣哭二首時余有三瘍之痛

一痛心堪折他人不可聞如何逢病骨更復對愁雲

強咲憐餘子沉哀見細君吞穀當此際暗淚劇紛紛

二

豈不同人世而余愁獨偏一聲亦偶爾雙淚何潛然
造化酷相弄吾生深自憐不堪驚虎意淒斷晚風前

聞雞有感二首

抱病今何事聞鷄亦警神憐燈吹後語歎枕夢餘身
風雨從如晦乾坤合欲晨孳々同待旦嗟爾肉肝人
憶聽雞籌曙鳴珂赴五更空山無漏刻若木有鳴聲
出作隨村父投閒荷聖明脩然蓬徑曉童僕報西成

隆慶辛未元旦甲子二律

駒隙紛何劇東風歲又新
堪嗟元會日不見北堂人
爆竹空占旦椒花自頌春
兒童渾不覺歌舞故應頻
獻歲初開甲浮生五閱辛
迂踈今日夢老大故園身
節勝憐尊酒時清愧縉紳
謳歌同野老為祝建章春

秋日園居四首

無論臥東海且復立西風
寒色孤雲渺秋聲萬樹同
天高鴻鴈偕人老薜蘿叢
世路忘機久簫條一畝宮
草堂寒不掃華髮闇無奇
坐對碧天晚行吟白露時

雲橫賀監里，木落子陵祠。千古同秋色，悠_又有所思。
已遂逋臣病，還甘老圃貧。江山無棄物，歲月有閒人。
愁豈關搖落，秋應傍隱淪。依然知帝力，非敢負堯仁。
偶向門前路，秋光只自憐。寒江清絕染，古木儼依禪。
野色看如許，閒情正渺然。無人知此意，白日晚孤懸。

登樓有懷

不淺登樓意，西風落木餘。天清三徑白，月冷一窗虛。
病色傲_為幽懷憐，白魚少年驚。明日千載竟何如。

七言絕句

贈翁海華

僊家一曲縱歌餘，耐可霞觴付子虛。
摘却蟠桃不成醉，桃花爭笑欲何如。

元旦憶兄二首

憶昨歸來兩閱春，尊前兄弟歲華新。
如何蒲柳先衰者，忽作屠蘇後飲人。

二

荆樹凋殘孤抱影，椒花淒絕對沾巾。
流年冉又看如

此又逐東風寄此身

雪二首

小樓寒影入窓幽半醉陶然擁敝裘漫賦梅花遊未
得娟又飛雪滿床頭

二

何來塵界有三千却把蓮華謾說禪一片寥天誰領
取雪窓漠又對韋編

秋意四首

寒入庭除丹葉新美人何處隔清塵最憐長夜砧敲

裡萬里瓊樓月一輪

二

病起巡簷曝故編
白魚搖曳為誰研
亡論三蝕神仙字
似爾生涯亦可憐

三

高秋賓雁亦依依
歲歲沙頭問釣磯
不似梁間雙燕子
終逢寒色背人飛

四

檻外流螢漸欲稀
萋萋終締促鳴機
縱橫觸座何為

者無賴秋蠅轉恁飛

贈

憑秋笑指海雲生
捧檄翩又壯爾行
莫嘆城南腥霧
惡凌風馳劍晚衙兵

送黎尉之旧曲并懷雲峯李年丈

赤尉翩又急去輪
燕雲遙指晉城闥
憑風寄問飛鳬
客花比河陽幾倍春

贈上虞令貞石朱侯四首有序

虞邑徐生如岡姚生虞俊譚朱使君之賢要余

竹送觀詩余不腆先人之廬距虞疆不二百武
耕虞土而食虞侯即吾侯也力疾賦俚語為贈
凡四絕云

雪霽蓬萊剗色寒卿雲萬里是長安由來循吏稱朱
邑遙見蜚鳬列漢官

其二

軒蓋朝天不可留驪歌聲盡思悠悠又曹娥江畔花千
樹隔歲春風總待伊

其三

不似陳家老薛羅小齋吟閣寄江阿無論未識荊州
面有客能傳五袴歌

其四

東南民力總堪哀計吏羽又得楚才朝罷明光須有
獻應門長傍五雲開

古風

題王繼山老子騎牛白描三首

浩浩宇宙身浸浸熙和過偶然騎青牛便是度關去

二

居亦一芑芑去亦一芑芑人骨還應朽獨賸五千言

三

賸却五千言衆生轉如沸獨令縑素間猶疑見紫氣

蘿岩即景四首

開牕面蘿岩矗然千古色白雲時復飛流光采几席

二

開牕面蘿岩慵起常後日為有翠微明方知日已出

三

開牕面蘿岩夕陽山更好余亦桑榆人相看不知老

四

開牕面蘿岩天空山月白問余胡不眠悠然不自識

滕王閣四首

幼讀子安詞未識滕王閣彼美昌黎子斐然繼有作
以茲動遐慕百年意不薄垂老洪都遊高樓負崇郭

矗起城之偏右顧亦廩廩擘碑迹已陳
導渚地非昨惟見秋江外西山紫霞落

西山旦復莫徘徊寄深情當時江渚宴偶然得奇英
咄嗟玉屑蜚四座為之傾遂令好事者千載施餘殷
阿問洵為美綺筵
豈無彫甍壯所貴太階平
往詰有先憂愧此拊膺名

拊膺良獨難勝遊夙所好有時共賓朋凭高一以眺
淼又積水間萬戶蛙生灶薰聞吳興越千里彈為潦
秦晉不作縻高梁野如燒回顧若見之對酒不能酌

宵餘詠古思捲卷發悲嘯

掩卷長蒿目焦勞愧小補得譴蒙放歸理棹發南浦
汎汎章江湄高閣當蓬戶憮然不復登逝將長此去
秋風三拂余含意箴一吐日晏賓屬辭回首遊何所
陳詞豈不妍交臂謝千古

六十初度寓羅岩山中作呈二兄并示諸子

閱余生蚤孤髫髻外遘殷憂脫身烈焰中勉事詩書遊
椎劣席寵靈敦琢惧貽羞北堂晚不祿罔極恨焉
有懷均已

典與薄耆年涉世多謬言郵過大罰猶淺德微福洵浮
果與天威會敲風激鬱攸舊築仍成燼遺書不可裒
微將七尺免甘用一枝床知非真震惕居約匪窮愁
駸又見改歲矇矓通降婁屬當初度辰感惻心倍物
傷人殊未解妻兒亦復咻百歲能幾時忽如駛水流
胡不聞嘉讌杯酒接綢繆咄又聽余言所處寔不猶
蓼莪豈堪諷蒼昊寧悠又勸勞此何日戲豫敢為謀
語罷興攬衣逝適岩泉幽緣磴高入雲寥廓頓蒼洲
岩端結菴古竹樹枝相樛中有三四僧荷鋤理耒耜

長揖逕道旁問余來何繇辛苦凌空山將無慕浮丘
吾生固有涯喬松難與儔為愛曾戀宵稅駕聊淹留
杯雪烹山茗占風訊麦秋陟危悟持攝藉僻道紛糾
有時還散步無事得凝眸歷又社中梓依又隴上楸
目若睇荒址身疑倚敞樓離曠憶吹堦徘徊嗟為裘
驪會姑無論深衷悄莫紬大易稱善補詩人詠聿脩
謙盈有至理禍福展自求懷哉矢勿諼斯言倘可讐

贈邵星瀛先生得子八韻有序

邵先生壽七十有六矣重有美璋之慶喜可知已
賦得七言排律八韻奉賀併致後祝詞雖不工
先生覽之倘為一鼓掌云爾

薦衣鶴髮老還童
又曉樹孫枝鬱滿前
又見占熊今蔗境
應知種玉古藍田
珠從瀛海甯堪吐
孤傍南星晚更懸
司馬生來能不愛
觸龍初得倍須憐
行看皓首傳經日
恰對班衣舞象年
遂使粉榆增勝事
還於孤

頽頽多賢庭除歲續芝蘭譜湯餅時開玳瑁筵莫詫
蒼穹偏錫羨前身或恐是彭錢

登蘿岩清隱院次楊二檀先生韻

蘿岩石洞霧襲牕振衣直探藥宮幢瘳危玄鹿通款
徑磴曲蒼蚪鑿斷虹百里龍從青入檻萬竿徒倚綠
侵淙星臨睥睨連崖咫尺雲護浮屠卓地雙龍又嵐光
遙薄漢荒々海色近吞江元精混沌疇為闢渥斗靈
微我欲撞佳霽恰當離畔菊清遊真負剡中艤碧山
好峙來何暮白首窮躋興叵降倦處雲根卷作枕吸

餘雪乳注盈缸謝公殺齒寧辭熱鍾子琴心豈在膜
盡日高風衝立壁深春霽雪轉枯椿虛疑鷄犬隨仙
鼎實見松筠隔世咙袍影穿林尋鳥伴鍾聲專壑數
僧樸憑空疊接中天翠習靜還窺太古懔幾度滄桑
無已局千秋朝市有飛鏃廼知氣獨函閑紫遮莫塵
無厖宇龐潦倒人生憐物族登臨吾土軼他邦閒叅
禪偈非貪佛老藉君恩許釋扛忽謾觀詩傾下里伊
誰把酒續長杠滿前群玉居然舊畷琢峯頭一片珏
葛公旦陳思恭過訪蘿岩讀壁間楊憲副詩重

其善用險韻既別公旦斐然有作投余從吾窩
中樂餌稍閒勉步訓覽併致思恭余庚寅春始
至蘿岩嘗一次楊先生七言長律時雪甚獨處
連旬無與語者且愧不足續貂闕不出旋棄之
其冬奉

命起家留院過虞城葛公旦訪余舟次自言不得
同蘿岩遊余亦曰楊先生僻閭詩迄今逾四十
年絕無次者君寧無意乎傾蓋語洽願草別
矣甲午東歸復養病蘿岩則公旦偕陳思恭觸

雨載酒至相與讀先生詩詩多險韻皆鑿筆不
下然公旦微聞余嘗和也索余詩無以應又別
去三越月而公旦以詩投余索余詩轉迫值余
亦稍閒乃為此詩併搜篋中舊草總致之然轉
慚唱者因念青蓮輟筆於黃鶴此其所以為青
蓮云

散髮招提晝掩牕寒林漸瀝灑禪幢時當憔悴移孤
枕客有慇懃度絕砑今雨捫蘿青似沐故人載酒碧
於淙烟閣霽壑峰元並潤入宵臺壁自雙促座一燈

隣島穴占星百里得虞江浮雲高檻空中出澹月疎
鍾物外撞陶謝可逢應授簡蓬瀛安在欲連艘支離
色借談間起冲憊心從覲止降齋岫亡論金粟界松
篁且對紫霞缸試問山靈如有約却忝天籟別無腔
潭幽倒映明河水石瘦長懸大地樁病覓九還除是
隱交憐二仲定非吮投瓊初憶勞亭接傾盞飛增別
鼓樵歸夢連環春冉又征途稅駕晚慳以樂鑪我寄
祇園樹詩筆君蜚武庫銳刻曲情深真見戴鹿門風
遠誤呼龐廟廊湖海憐浮世德業文章愧此邦豈謂

雙照障王 趾趨來何以滌塵扛芳菲已諳薩埵襲衣斐
疊猶期錦作紅誰道琪花偏異域崦邊草木儻成珎

五言排律

臘雪色二弦中更春候不止志感得四十二韻
朔氣張已甚飛雪故灑又冬老從今闕春回底事驕
層陰淒若痼六合莽如撩花豈并刀剪塩寧商鼎調
玄冥凌淑旆閭闔借纖飈灑向扶桑密來從渤海遙
紛糅初委地倏忽遂封條片片零還聚英英墮更飄
雲光疑見睨野氣愛連霄莫辨乾坤象亡論星斗杓
乘風威顛顛蔽月影飄飄入夜濃逾合兼旬黯不消
茅茨珠的皪土阜壁嶢峣競訝齊宮近何來蜀嶺饒

眼迷良自幻，股戰為誰挑。宿冷即當盡，晨暎詎可邀。
孱氓咨赤腳，神女詫青腰。天儻窮閭問，巫應列社招。
祈豐雖有兆，畜旨柰無繆。瑞憶蒼心愛，貧憐白骨銷。
千家皆棘棘，百堵每翹。歌枕袁安僊，長銘杜甫枵。
行踪靈短屐，旅思咽輕橈。煬竈薪成桂，啼衣緼是貂。
名都朝罷市，古剎晝沉寥。凍色深黻瘕，寒煙對寂寥。
飢牛空谷隕，吠犬扶群燄。啄霰鷗跋樹，投崖鹿覆蕉。
高穹雨瑤玉，下里失芻蕘。翁老稀曾覲，兒狂乍欲跳。
豪華高宴日，貴介狹斜宵。落艷過游騎，流雲亂散綃。

第言生世樂庸謫虛時滯素屋真堪嘆冰山亦巨料
伊余方漢又撫景重蕭又虛室晃雙鬢殘齋冷一瓢
門閒踈灑掃酒薄勞漁樵隔隴梅應蕊憑欄樂未苗
羊裘桐風坐葩椀淪冰澆漏永詩難續爐微筆藉搖
終然慙郢曲聊以佐鄉謠大造人毋怨思艱怙
聖朝

哭三殤七十韻

咄又今如許哀又柰病夫一殤堪自慟三哭可誰蘇
景促青春宴靈深白日徂積愆余不死溘逝汝何辜

狂敢逃天譴悲如有物驅有沈深涕泗無賴老頭顱
念昔初生汝伊余正憶鱸乾坤雙轉轂湖海四將雛
雀舫春張悅蓬門歲設孤祥添新線綬芬襲舊蘭盂
眉額參差並聰明取次殊鴈行真作字魚目儻為珠
已見翻口起仍看又趨攤書問科斗跳地作於菟
逸膝情憐烏聞言響答桴行間時互掖食次每相鋪
解習唯吾態能分拜起模嬌猶窺白眼病不減青臚
卽有孩提物依然色咲都雷繁淇水籜風嘯上林鸛
苑曙花交映庭春草競萼從今名妾圉何必註封胡

此日窮能慰吾生樂豈徒解願觀昵昵摩頂弄呱呱
愛極瓊枝祝慈偏寶樹呼亡論歌螫又聊用藉區區
涼德查偕孽重氛卷集荼災纏仲蔚里痛始叔倫終
禁局方何裨瘍醫技竟蕪生真解人意訣且戀親觴
已矣一杯掩嗟哉二弟俱芽兒豈不惜死病誠難扶
托體空人世論時劇蟪蛄絕憐四歲孺快若三秋駒
不樂朝過喜如餐晚漸腴六旬欣奠枕一昔易摧枯
錯愕還疑夢披猖不及圖驚回翻欲殞痛定轉如割
屈指二三子傷心百六符恨余乏丹鼎而子非青趺

後泣猶前泣前愉復後愉天麋頻白骨埋玉一黃壚
淑景銷沾袂淒風咽向隅胡心安旦暮無計挽須臾
歷又追陳跡荒又想舊娛當年春階記樂事足妻孥
豈謂成今日俄然失故吾杳冥窺倚伏歛忽變悲愉
慧色渾成幻懽踪總入無依稀聆問寢彷彿覩摩孺
物在人冰石情牽狗是窮晝翻傷情又夜或訝鳴又
有觸腸皆斷無言思不紆難禁異物化况乃同生孤
獨撫子遺者其如侘傺軀吞散聊睥睨作色更搢捥
重此存亡感因之日月逾良朋幸相唁曲士窘若拘

身世哀遠近生涯似續湏古來矜播穫老去托桑榆
雖幼能增氣彌多不厭愚祝男聞華叟憂嗣憶商瞿
司馬生名大非熊死泣逋人情類爾又我遊真吁吁
道豈忘情在身應抱痛癰縱懲西河老終異東門吳
暫校題崔淚言抒舐犢痛淒又良欲懇耿又詎能敷
歛蘭呼高旻握筆命大巫天心如悔禍何以浣泥塗

贈徐封翁

人稱徐孺後地接子陵臺乃眷馳褒典言旌主爵才
天臨丹穴動雲襲紫泥來剋服山濤捧絲綸史佚載

龍章今寵被，鯉訓蚤深培。報國千金許，持衡一鏡開。
榮名寧偶爾，長業佇悠哉。有子足為幸，如賓背未台。
永休還玉璫，養志豈霞杯。何必春堂上，空然羨老萊。

送胡懷雪署篆姚江還郡

越嶠千尋壯，姚封百里開。向來牧伯雨，洵美豫章材。
圖寵承先闕，聲接上台西。都懸禁闥列，郡值蓬萊
粟。匣携度贈星，輶借冠來龍。山倚署出舜，水抱城廻
道。豈應鷗在春，還蔽芾栽。冲襟聞煦煦，踈網見恢恢。
岐麥秋看稔，村花夜絕徂。閒餘藻賦邑，理試金壘

方嘆來旌暮其如去檄催花明當日綬柳黯別時
卧轍聞遺老鳴琴有舊臺雲棲余不佞露冕惜遙回
薄冰興人誦深懷漢吏才罷辱猶滿目凝望日悠哉